

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za boračko-invalidsku i socijalnu zaštitu, stambene poslove i društvene djelatnosti

Broj:

Zenica, 15.04.2021.godine

STRUČNA SLUŽBA GRADSKOG VIJEĆA

PREDMET: Stav Službe

Izvještaj o radu JU „Dom za stara lica Zenica“ Zenica za 2020.godinu
- dostavlja se

U ime osnivača Služba za boračko-invalidsku i socijalnu zaštitu, stambene poslove i društvene djelatnosti, razmotrila je Izvještaj o radu JU „Dom za stara lica Zenica“ Zenica za 2020. godinu, shodno ovlaštenjima iz Statuta Grada i Odluke o zadržavanju prava osnivača. Uz izvještaj o radu Ustanove dostavljen je: Pregled ostvarenih prihoda i rashoda za 2020.godinu, Plana prihoda i rashoda Ustanove za 2021.godinu, Izvještaj o reviziji finansijskih izvještaja Ustanove za 2020. godinu i ocjena o radu direktora u 2020. godini. Nakon analize i ocjene navedenih dokumenata, Služba konstatuje:

- JU „Dom za stara lica Zenica“ Zenica je ostvarila funkciju organizovanog smještaja, prehrane, socijalnog rada, preventivne zdravstvene zaštite, pomoći i njege, odmora i rekreacije starih lica kojima je potrebna stalna briga i pomoć u zadovoljavanju njihovih potreba a te potrebe ne mogu ostvariti na drugi način. Obavljajući navedene usluge Javna ustanova „Dom za stara lica Zenica“ Zenica ostvarila je ulogu, za koju je i osnovana i u tom smislu ostvarila osnivačku misiju i javnu funkciju.
- U Ustanovi je angažovano 26 radnika od čega 24 uposlenika na neodređeno vrijeme. U strukturi zaposlenih najzastupljeniji su zdravstveni radnici srednje stručne spreme.
- Prema izvještaju nezavisnog revizora Ustanova je poslovala sa dobitkom od 2.285,00 KM (prihodi 845.920,00 KM i rashodom od 843.635,00 KM).
- Finansijske obaveze sa viših nivoa vlasti su uglavnom doznačene prema proceduralnim obavezama.
- Saradnja Službe sa menadžmentom Ustanove je korektna u smislu pristupačnosti, međusobne komunikacije te realizacije osnivačkih obaveza.
- Upravni odbor je usvojio Izvještaj o radu Ustanove i Izvještaj o poslovanju Ustanove u 2020. godini sa Izvještajem ovlaštenog revizora o poslovanju Ustanove po završnom obračunu za 2020. godinu i dao pozitivnu ocjenu o radu direktora Ustanove, s naznakom da je u izuzetno teškim okolnostima uspješno ostvario svoju misiju i funkcije, te da je Ustanova poslovala pozitivno uprkost što plan nije u potpunosti ostvaren.
- Tokom 2020. godine u Ustanovi je boravilo ukupno 75 korisnika, što podrazumijeva popunu od 97% ukupnih kapaciteta.
- Struktura korisnika po kategorijama ukazuje da su najzastupljeniji polupokretni korisnici i korisnici sa potrebom za pojačanu pažnju a potom nepokretni korisnici, dok je vrlo mali broj pokretnih lica koja su u stanju funkcionisati samostalno uz malu podršku zaposlenih u Ustanovi.
- Najzastupljeniji korisnici su u dobi sa prosjekom preko 80 godina života, a više od polovine su žene.
- U skladu sa navedenim Ustanova je nastojala prilagoditi se tržištu i adekvatno zbrinuti ove

kategorije korisnika primjereno njihovim potrebama.

- I dalje dominira smještaj u Ustanovu na lični zahtjev korisnika
- Smještaj korisnika unutar Ustanove ostvaruje se u okviru četiri organizacione jedinice-paviljona (plus međupaviljonski prostor na spratu).
- Iako je bila planirana adaptacija i rekonstrukciji prostora Ustanove, ista zbog postojeće pandemije nije izvršena, no nabavkom inventara i opreme unaprijeđen je kvalitet usluge.
- Ustanove radi na afirmaciji njene društvene uloge kao i saradnji sa vladinim i nevladinim sektorom a radi unapređenja usluga - brige o starim osobama u smislu aktivnog i zdravog starenja.
- Ustanova je aktivna u osmišljavanju i kreiranju društvenog života svojih korisnika.
- U postojećim okolnostima organizovani su brojni edukativni programi s različitim sadržajima, a s ciljem očuvanja zdravlja korisnika i razvijanja njihove socijalne uključenosti.
- Sredstva budžeta Grada Zenice namjenski opredjeljenja za daljnu rekonstrukciju i adaptaciju objekta u iznosu od 20.000,00 KM utrošena su u nabavku inventara i opreme.
- Ustanova u obavljanju redovne djelatnosti ima problem sa čestim bolovanjem zaposlenih, a posebno zdravstvene službe, nastalih kao posljedica otežanih uslova rada vezano za znatan broj nepokretnih i slabopokretnih korisnika, koji traže pojačanu brigu i veći fizički napor. U izvještajnoj godini Ustanova je evidentno imala problem zbog pandemijskih uslova koji su znatno otežavali uslove poslovanja i boravka korisnika u Ustanovi.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za boračko - invalidsku i socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Dom za stara lica Zenica“ Zenica za 2020. godinu na razmatranje i usvajanje.

S poštovanjem,

PRILOG:

1. Izvještaj o radu JU „Dom za stara lica Zenica“ Zenica za 2020.godinu sa planom aktivnosti Ustanove u 2021.godini,
2. Plan prihoda i rashoda JU „Dom za stara lica Zenica“ Zenica u 2021. godini,
3. Izvještaj o reviziji finansijskih izvještaja za JU „Dom za stara lica Zenica“ Zenica za 2020. godinu,
4. Odluku o usvajanju dokumenata JU Dom za stara lica Zenica br.01-35-110/21 od 22.03.2021.godine
5. Ocjenu o radu direktora Ustanove u 2020. godini br. uo-01-35-109/21 od 22.03.2021.godine

DOSTAVLJENO:

1 x Naslov
2 x a/a



POMOĆNIK GRADONAČELNIKA

Sumea Mujkanović